



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manuale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetiis, 1650

cap. 5. De statu Ecclesiae describendo.

urn:nbn:de:hbz:466:1-9534

& tota ciuitas cum Diocesi eadem die audiret eadem contenta in Edictis. Distributio vero Edictorum fieri debet iuxta qualitatem materiae accommodatam tempori, vt de Matrimonio in Feltis Natalitijs, de Quadragesima paulo ante initium eiusdem, & eiusmodi ratione in alijs temporibus seruata.

10 Placeret vna cum Decretis Synodalibus edicere Catalogum Sanctorum loci, & Episcoporum breuissima narratione rerum ab ijs sancte gestarum.

DE APPROBATIONE
Decretorum Synodaliū.
 Cap. IV.

1 **N**on tenetur Episcopus, antequam praelo dentur, ea exhibere Ciuitati, seu Magistratibus eiusdem: qui si deinde velint reclamare, id faciant postea cum Superioribus Episcoporum: ita S. Congregatio Cardinalium super negotia Episcoporum in vna Tiferate 14. Aprilis. 1615.

2 Neque tenetur ea Romam mittere ad sacram Concil. Trident. Congregationem, ad quam mitti debent decreta Conciliorum Provincialium, vt Episcopo Ostinensi respondit Card. Carafa nomine praedictae Congregat. pridie Cal. Decembr. 1586. Vide Praefecium in Praxi Episcop. par. 2. cap. 2. ver. expeditis num. 12.

DE STATU ECCLESIAE
describendo. Cap. V.

1 **E**X Vistatione primum; tum ex Synodo; & Synodali Scrutinio hauritur integre totius Ecclesiae status ab Episcopo; qui describendus est, vt, cum ad limina Apostolorum Romam accesserit, seu Procuratorem miserit, statum Ecclesiae suae referte queat ad Sacram Concil. Trid. Congregationem.

2 Haerent autem multi in hac re, & dum legerem Romae varias huiusmodi relationes, placuere mihi nonnullae supra alias, quarum seriem dabo libenter de hoc loco, additis quibusdam opportunis monitionibus.

3 Breuissimo prooemio vtendum est, tacitis, iisque in laudem sunt Episcopi circa diligentem, & laborosam Vistationem, & Synodum.

4 Quae leuia sunt, & nimis minuta, reticen-

da: & quae etiam saepius decantata in alijs Relationibus. Prima tamen descriptio debet esse accuratior.

5 Scribendum quidem in prima persona. V. G. Vistaturi Sacra limina Apostolorum haec attulimus, ex quibus intelligi potest Ecclesiae N. status, sed in reliquo textu narrandum est, ac si de tertia persona sit sermo. V. G. Habet igitur Ecclesia N. varios fines, & limites Diocesis, &c.

6 Et ordo rerum narrandarum hic esse potest. primo de Ciuitate agatur, deinde de Diocesi. in Ciuitate prius de Ecclesiasticis, quam de laicis. inter Ecclesiasticos prius de Clero saeculari, quam de Regulari. in Clero saeculari prius de Cathedrali, quam de Collegiatis, & de his, quam de Parochijs; & de his ante alias Ecclesias.

7 Fines, & limites Diocesis varij cum vicinis Diocesis sunt describendi. deinde Ecclesia Cathedralis quoad materiam, tum quoad personas, Dignitates nimirum, & Canonicos. tum beneficia, altaria dorata, sacra supellex, Sanctorum corpora, & reliqua insigniores; Chori disciplina, Festa propria loci cum Officijs diuino; redditus, onera, & similia. Palatium, sedes Episcopi, & Canonicorum. Habitus eorundem in Choro.

8 Collegiatae quot. Canonicorum numerus diuina Officia. Onera. Habitus.

9 Parochiae quot saeculares, & regulares, Redditus. Habitus.

10 Clericorum seminarium, vnum vel plura. Conuentus Cleri, si quis est.

11 Aliorum Sacerdotum numerus, & Clericorum Communia, seu Communitantia, quae habetur alicubi.

12 Regularium virorum Monasteria Monialium item sub Ordinario, vel Regularibus.

13 Confratritiae laicorum, loca pia, Montes Pietatis, Hospitalia.

14 Oratoria, & scholae Doctrinae Christianae.

15 Functiones nobiliores per annum vt conferentiae casuum conscientiae, & Conciones, praeter Quadragesimales, & eiusmodi.

16 In Diocesi Collegiatae, quot Parochiae. loca Regularium. Confraternitates laicorum, &c. ordine, quo supra.

17 De qualitatibus populi in genere.

18 De Collegijs Doctorum, & de Academicis litterarum, si quae habentur.

19 De Foro, & tribunali Episcopali.